

山海經第十五

晉郭璞傳

明吳瑄校

大荒南經

南海之外赤水之西流沙之東赤水出崑崙山流沙出鍾山也有獸

左右有首名曰跖踴出狻名國黜揚兩音有三青獸相并名曰

雙雙言體合為一也公羊傳所云雙雙而俱至者蓋謂此也

有阿山者南海之中有汜天之山赤水窮焉流極於此山也

赤水之東有蒼梧之野舜與叔均之所葬也叔均商均也舜

巡狩歿於蒼梧而葬之商均因畱歿亦葬焉基今在九疑之中爰有文貝即紫貝也離俞

山海經 卷之十五

即離朱鳴久即鵠也鷹賈賈亦鷹屬委維即委蛇也熊羆象虎豹狼

視肉

有榮山榮水出焉黑水之南有玄蛇食塵今南山蚌蛇蚕鹿亦

此類

有巫山者西有黃鳥帝藥八齋天帝神仙藥在此也黃鳥於巫

山司此玄蛇言主之也

大荒之中有不庭之山榮水窮焉有人三身帝俊妻

娥皇生此三身之國蓋後裔所出也姚姓黍食使四鳥姚舜姓也

有淵四方四隅皆達言淵四角皆旁通也北屬黑水南屬大荒

屬猶連也北旁名曰少和之淵南旁名曰從淵音驄馬舜

之所浴也

言舜嘗在此中澡浴也

又有成山甘水窮焉

甘水出甘山極此中也

有季禺之國顓頊

之子食黍

言此國人顓頊之裔子也

有羽民之國其民皆生毛羽

有卵民之國其民皆生卵

即卵生也

大荒之中有不姜之山黑水窮焉

黑水出崑崙山

又有賈山

汜水出焉又有言山又有登備之山

即登葆山羣巫所從上下者也

有憇憇之山

音如券契之契

又有蒲山澧

音禮水出焉又有隗

山

音如隗

其西有丹其東有玉又南有山漂水出焉

音票

有尾山有翠山

言此山有翠鳥也

有盈民之國於姓黍食又有人方食木葉

山海經

卷之五

二

有不死之國阿姓甘木是食

甘木即不死樹食之不老

大荒之中有山名曰去瘞南極果北不成去瘞果

音如

風瘞之瘞未詳

南海渚中有神人面珥兩青蛇踐兩赤蛇曰不廷胡

余

神名

有神名曰因因乎南方曰因乎夸風曰乎民

亦有名

處南極以出入風

有襄山又有重陰之山有人食獸曰季釐帝俊生季

釐故曰季釐之國有緡淵

音昏

少昊生倍伐倍伐降處

緡淵有水四方名曰俊壇

水狀似土壇因名舜壇也

有載民之國

為人黃色

帝舜生無淫降載處是謂巫載民

巫載民盼姓食穀不績不經服也言自然有布帛也不稼不

穡食也言五穀自生也種之為稼收之為穡爰有歌舞之鳥鸞鳥自歌

鳳鳥自舞爰有百獸相羣爰處百穀所聚

大荒之中有山名曰融天海水南入焉有人曰鑿齒

羿殺之射殺之也

有域山者有域民之國音感桑姓食黍射域是食域短也

侶鬻含沙射人中之則病有人方扞弓射黃蛇扞挽也音

紂名曰域人

有宋山者有赤蛇名曰育蛇有木生山上名曰楓木

楓木蚩尤所棄其桎梏蚩尤為黃帝所得械而殺之已摘葉其械化而為樹也

山海經 卷之十五

是謂楓木即今楓香樹有人方齒虎尾名曰祖狀之尸音如

祖黎之祖

有小人名曰焦僥之國皆長三尺幾姓嘉穀是食

大荒之中有山名死塗之山音朽青水窮焉青水出崑崙有

雲雨之山有木名曰欒禹攻雲雨攻謂槎伐其林木有赤石

焉生欒言山有精靈復變生此木於赤石之上黃木赤枝青葉羣帝焉

取藥言樹花實皆為神藥

有國曰顓頊生伯服食黍有馳姓之國音如橘有茗

山又有宗山又有姓山又有壑山又有陳州山又有

東州山又有白水山白水出焉而生白淵昆吾之師

所浴也

昆吾古王者號音義曰昆吾山名谿水內出善金二文有異莫知所辨測

有人名

曰張弘在海上捕魚海中有張弘之國

或曰即奇肱人疑非食

魚使四鳥有人焉鳥喙有翼方捕魚於海

大荒之中有人名曰驩頭鯀妻士敬士敬子曰炎融

生驩頭驩頭人面鳥喙有翼食海中魚杖翼而行

翅

可以用飛倚杖之用行而已

維空芑芑穆楊是食

管子說地所宜云其種穆稗黑黍皆

禾類也芑黑黍今字作秣旁起秬虬三音

有驩頭之國

帝堯帝嚳帝舜葬於岳山

即秋山也

爰有文具離兪鳩久

鷹賈延維視肉熊羆虎豹朱木赤枝青華玄實有申

山者

山海經

卷之十五

四

大荒之中有山名曰天臺高山海水入焉

東南海之外甘水之間有羲和之國有女子名曰羲

和方日浴於甘淵

羲和蓋天地始生主日月者也故啓筮曰空桑之蒼蒼八極之既張

乃有夫羲和是主日月職出入以為晦明又曰瞻彼上天一明一晦有夫羲和之子出于陽谷故堯因此

而立羲和之官以主四時其後世遂為此國作日月之象而掌之沐浴運轉之於甘水中以効其出入湯

谷虞淵也所謂世不失職耳

羲和者帝俊之妻生十日

言生十子各以日名

名之故言生十日數十也

有蓋猶之山者其上有甘柎枝幹皆赤黃葉白華黑

實東又有甘華枝幹皆赤黃葉有青馬有赤馬名曰

三騅有視肉有小人名曰菌人

音如朝菌之菌

有南類之山

爰有遺玉青馬三騅視肉甘華百穀所在

山海經

卷之五

五

山海經第十五